

Geirfa

Dyma esboniad o rai o'r termau sy'n ymwneud ag Undebau Credyd a gwasanaethau ariannol.

ABCUL

Cymdeithas Undebau Credyd Prydain Cyf (The Association of British Credit Unions Ltd). Y brif gymdeithas ar gyfer Undebau Credyd ym Mhrydain.

AGM

Cyfarfod Cyffredinol Blynnyddol – cyfarfod lle mae aelodau'r Undeb Credyd yn cael cyfle i bleidleisio dros y Cyfarwyddwyr a'r swyddogion fydd yn rheoli'r Undeb Credyd ar ran yr aelodau.

APR

Cyfradd Ganrannol Flynyddol. Ar fenthyciad, dyma gost flynyddol y llog ar ben y benthyciad y mae'n rhaid i chi ei dalu'n ôl. Ar gynilion, dyma'r llog y byddwch yn ei ennill dros y flwyddyn.

Y gyfradd log uchaf y gall Undeb Credyd ei godi ar fenthyciadau yw 2% y mis, sef APR o 26.8%.

Asedau

Rhywbeth o werth y gellir ei ddefnyddio i dalu dyled yn ôl, e.e. arian parod, buddsoddiadau, offer ac adeiladau.

Archwilydd

Person sydd â chymhwyster proffesiynol i wirio cyfrifon ariannol blynnyddol Undebau Credyd.

Banc

Busnes sy'n cynnig gwasanaethau ariannol. Mae gan y rhan fwyaf o fanciau yn y DU gyfranddalwyr a nhw sydd berchen y banc. Bydd y banc yn ceisio creu cymaint o elw â phosibl i'w gyfranddeiliaid.

Cael benthyg

Cael arian gan rywun i'w ddefnyddio nawr, gyda'r bwriad o'i dalu'n ôl yn ddiweddarach.

Geirfa

Cyllideb

Cynllun o ran faint o arian i'w wario ac ar beth y dylid ei wario.

Cymdeithas adeiladu

Math arall o fusnes lle gall aelodau fynd ato i gynilo neu gael benthyg arian. Am fod gan gymdeithasau adeiladu fodel busnes cydfuddiannol, mae ganddynt hwythau hefyd aelodau.

Cynllun busnes

Math o fap ar gyfer y busnes i'w helpu i gynllunio pa gyfeiriad y dylai ei gymryd yn y dyfodol. Mae strategaeth farchnata a chefnidir ariannol yn rhan o'r Cynllun Busnes. Rhaid i bob Undeb Credyd gadw a chynnal Cynllun Busnes cyfredol.

Cyfalaf

Mae hwn yn golygu gwerth net yr Undeb Credyd. Rydyn ni'n mesur cyfalaf drwy gyfrifo faint yn fwy ydy asedau'r Undeb Credyd na'i ddyled.

Derbynnnydd arian

Mae'r rhai sy'n gwneud y rôl hon yn sicrhau bod yr arian parod yn cael ei gysoni a'i fancio ar ddiwedd pob casgliad.

Pwyntiau casglu

Mannau lle mae'r Undeb Credyd ar agor i dderbyn busnes. Gallan nhw fod yn unrhyw le sy'n gyfleus i bobl, e.e. archfarchnad leol, swyddfa'r post, cymdeithas dai, canolfan gymunedol, eglwys, capel neu ysgol.

Casglwyr

Mae'r rhain yn gweithio yn y pwyntiau casglu yn casglu cynilion ac ad-daliadau ar fenthyciadau gan yr aelodau. Am resymau diogelwch, dylid bob amser gael o leiaf ddau gasglwr ym mhob pwynt casglu.

Cwlwm cyffredin

Yr hyn sydd gan yr holl aelodau'n gyffredin e.e. byw, gweithio, gwirfoddoli neu astudio yn yr un lle. Dyma'r cwlwm cyffredin sy'n gwneud Undebau Credyd yn unigryw ac yn wahanol i fanciau a chymdeithasau adeiladu. Mae cyfreithiau newydd sy'n dod i rym yn 2009 yn golygu y bydd sefydliadau'n gallu ymuno hefyd, fel clybiau pêl-droed er enghraifft.

Geirfa

Gweithdrefnau delio â chwynion

Mae'n rhaid i bob Undeb Credyd weithredu'r gweithdrefnau hyn.

Busnes cydweithredol

Mae gan fusnesau cydweithredol fodel busnes sy'n golygu y gall yr aelodau ddweud eu dweud ar sut mae'r busnes yn cael ei redeg. Mae gwahanol fathau o fusnesau cydweithredol; rhai i ddefnyddwyr, rhai amaethyddol a rhai i weithwyr. Maen nhw'n rhannu'r un gwerthoedd ac egwyddorion.

Y Pwyllgor Credyd

Gwaith hwn yw gwneud yn siŵr bod y prif fusnes o roi benthyciadau'n cael ei wneud er budd aelodau'r Undeb Credyd. Nid yw'n orfodol cael un o'r rhain.

Rheoli credyd

Rhoi gweithdrefnau ar waith i wneud yn siŵr bod pobl sy'n cael benthyciadau gan yr Undeb Credyd yn talu'r swm iawn yn ôl. Gallai hyn fod mor syml â rhywun yn ffonio aelodau i'w hatgoffa nhw os ydyn nhw'n hwyr yn gwneud taliad.

Asiantaeth Cyfeirio Credyd

Cronfa ddata sy'n nodi'r bobl sydd wedi cael benthycio arian a ph'un a ydyn nhw wedi'i dalu'n ôl ai peidio. Mae'r asiantaeth yn rhoi cyfradd gredyd i chi a bydd y wybodaeth hon yn cael ei rhannu â busnesau eraill sy'n cynnig gwasanaethau ariannol er mwyn eu helpu i wneud penderfyniadau cyn rhoi benthyciadau.

Undeb Credyd

Busnes cydweithredol ariannol sy'n darparu gwasanaethau ariannol i'w aelodau.

Deddf Undebau Credyd 1979

Y gyfraith sy'n darparu'r fframwaith deddfwriaethol ac sy'n diffinio Undebau Credyd. Bydd Rheolau'r Awdurdod Gwasanaethau Ariannol (FSA) yn ei Lawlyfr yn disodli llawer o bwerau rheoleiddio'r Undeb Credyd.

Diogelu data

Gwneud yn siŵr bod y wybodaeth a gofnodir am bobl yn gywir ac yn cael ei chadw'n ddiogel.

Dyled

Arian i'w dalu'n ôl i rywun o ganlyniad i gael benthycio (benthyciad).

Geirfa

Benthyciad dyledus/hwyr yn cael ei dalu'n ôl

Pan fydd rhywun yn peidio â thalu swm llawn y benthyciad yn ôl fel y cytunwyd yn wreiddiol.

Cyfarwyddwr

Caiff y cyfarwyddwyr eu hethol o blith yr aelodau, gan yr aelodau. Bwrdd y Cyfarwyddwyr sy'n gyfrifol am reoli'r Undeb Credyd a phennu pa gyfeiriad bydd yn ei gymryd.

Buddran

Adenillion ar gynilion aelodau'r Undeb Credyd - mae'n debyg iawn i daliad llog. Caiff y fuddran ei thalu'n flynyddol allan o elw'r Undeb Credyd.

Mae'r term buddran (dividend) yn gallu bod yn ddryslyd, oherwydd nid yw hon yr un fath â'r fuddran a gaiff ei thalu ar fuddsoddiadau seiliedig ar risg, fel ecwiti (cyfranddaliadau).

Benthyciwr Stepen Drws

Mae benthyciadau stepen drws fel arfer yn cael eu cynnig i bobl ar incwm isel sy'n ei chael yn anodd cael benthyc arian o ffynonellau eraill.

Maen nhw'n gallu cael benthyc symiau bach, e.e. £100 mewn arian parod dros gyfnod byr. Ond efallai y byddan nhw'n gorfod talu llog mawr ac yn aml byddan nhw'n cael eu hannog i gael benthyc mwy cyn iddyn nhw orffen talu eu benthyciadau cyfredol yn ôl.

Gwasanaeth Ombwdsmon Ariannol

Byddech chi'n mynd at y gwasanaeth hwn pe byddai arnoch angen cwyno am unrhyw wasanaethau ariannol.

Yr Awdurdod Gwasanaethau Ariannol (FSA)

Y corff sy'n rheoleiddio Undebau Credyd, a phob darparwr gwasanaethau ariannol arall, yn unol â Deddf Gwasanaethau a Marchnadoedd Ariannol (FSMA) 2000.

Mae ganddo lyfr rheolau o'r enw Llawlyfr yr FSA (a Llyfr Ffynhonnell Arbenigol Undebau Credyd neu'r 'CRED' ar gyfer Undebau Credyd). Mae'r FSA hefyd yn cymeradwyo pobl ar gyfer rhai swyddi, fel rôl y Swyddog Hysbysu am Wyngalchu Arian.

Cynllun Iawndal Gwasanaethau Ariannol (FSCS)

Bydd hwn yn diogelu cynilion yr aelodau pe byddai'n rhaid i'r Undeb Credyd gau.

Cymdeithas gyfeillgar

Enw hen ffasiwn ar sefydliad ariannol 'dielw'.

Geirfa

Gwarantwr

Rhywun sy'n llofnodi dogfen gyfreithiol i addo cymryd cyfrifoldeb dros ddyledion person arall pe byddai hynny'n ofynnol. Felly os bydd y benthyciwr yn methu â thalu benthyciad yn ôl, gallai'r gwarantwr orfod talu'r swm sy'n weddill yn llawn.

Cymdeithas ddiwydiannol a darbodus

Mae Undebau Credyd wedi'u cofrestru o dan y Ddeddf Cymdeithasau Diwydiannol a Darbodus 1965, drwy ddarpariaethau Deddf Undebau Credyd 1979. Mae Undebau Credyd felly'n fathau o Gymdeithasau Diwydiannol a Darbodus. Fel busnesau cydweithredol sydd ag aelodau, eu diben yw darparu gwasanaethau er budd eu haelodau, yn hytrach na gwneud elw ar gyfer cyfranddalwyr trydydd parti.

Rheoliadau mewnol

Y prosesau gwirio a diogelu sydd gan yr Undeb Credyd ar waith i atal twyll a niwed i'r busnes.

Llog

Mewn perthynas â benthyciad, ystyr llog yw ffi y mae benthycwyr yn ei chodi am gael defnyddio eu harian. Gweler APR. Mewn perthynas â chyfrif cynilo, mae'n golygu ffi y mae banciau yn ei thalu i chi am roi eich arian chi yno (er mwyn iddyn nhw gael defnyddio'ch arian).

Buddsoddi

Rhoi arian o'r neilltu ar gyfer y dyfodol, yn y gobaith y bydd eich cynilion yn tyfu.

Cynilwyr ifanc

Pobl ifanc o dan 16 oed sy'n cynilo â'r Undeb Credyd. Yn 16 oed, byddan nhw'n dod yn aelodau, ond ni fyddan nhw'n gallu cael benthyciad na gweithredu fel swyddog nes byddan nhw'n 18 oed. Mae cynilwyr ifanc yn cael cynilo hyd at £10,000.

Adnabod eich gwybodaeth am gwsmeriaid

Gwybodaeth y mae'r Undeb Credyd neu'r banc ei hangen am eu cwsmeriaid er mwyn gallu atal twyll neu wyngalchu arian.

Benthyciadau

Ystyr benthyciad yw arian rydych chi'n cael ei fenthyg gan rywun nawr ac yn cytuno ei dalu'n ôl yn y dyfodol. Caiff benthyciadau y cytunir arnynt eu rhoi i aelodau'r Undeb Credyd o'r gronfa gyffredin o arian sydd wedi cronni o gynilion yr aelodau.

Geirfa

Swyddog benthyciadau

Aelod o staff neu wirfoddolwr sy'n gallu awdurdodi benthyciadau hyd at swm y cytunir arno ac o fewn y polisi benthyciadau.

Yswiriant diogelu benthyciadau

Yn dibynnu ar yr amodau, bydd Yswiriant Diogelu Benthyciadau'n talu benthyciad aelodau pe bydden nhw'n marw neu mewn unrhyw amgylchiadau sy'n ei gwneud yn anodd iddyn nhw dalu, e.e. cael eu diswyddo.

Benthyciwr arian didrwydded (loan shark)

Rhywun sy'n cynnig benthyciadau, fel arfer, i bobl mewn sefyllfa ariannol fregus, a hynny ar gyfraddau eithriadol o uchel. Maen nhw hefyd yn cael eu galw'n siarcod benthyciadau neu'n 'loan sharks' am ei bod mor anodd dianc o'u gafael ar ôl cael benthyciad ganddyn nhw. Weithiau byddan nhw'n bygwth bod yn dreisgar neu gymryd asedau eraill oddi arnoch os ydych chi'n cael trafferth talu'r benthyciad yn ôl.

Aelod o Undeb Credyd

Rhywun sydd wedi gwneud cais i ymuno â'r Undeb Credyd, ac sy'n rhan o'r cwlwm cyffredin. Maen nhw wedi talu unrhyw ffi mynediad sy'n ofynnol ac wedi prynu cyfranddaliad gwerth punt o leiaf.

Gwyngalchu arian

Pan fydd gwir ffynhonnell a pherchnogaeth yr elw a wneir drwy weithgareddau troseddol yn cael ei chuddio, drwy symud arian o un lle i'r llall. Mae gwyngalchu arian yn drosedd ariannol. Mae gan bob Undeb Credyd Swyddog Hysbysu am Wyngalchu Arian fel arfer, sy'n cael ei gymeradwyo gan yr FSA.

Llawlyfr gweithdrefnau a pholisïau

Y brif ddogfen y mae Undebau Credyd yn ei hysgrifennu i benderfynu ar ddulliau gweithredu a pholisïau'r Undeb Credyd. Gall Bwrdd y Cyfarwyddwyr newid y ddogfen wrth i'r Undeb Credyd ddatblygu ar sail profiad.

Cronfa wrth gefn

Swm o arian a roddir o'r neilltu i wneud yn siŵr bod digon o arian ar gael pe byddai problemau'n codi.

Geirfa

Rheoleiddiwr

Rôl y rheoleiddiwr yw rheoleiddio a goruchwylio gwasanaethau ariannol gan gynnwys Undebau Credyd, i wneud yn siŵr eu bod yn gweithredu'n gyfreithlon ac yn gwarchod cynilion eu haelodau. Yn y DU, yr FSA yw'r rheoleiddiwr. Mae Gofynion Hysbysu gan Undebau Credyd sy'n golygu bod yn rhaid iddyn nhw anfon gwybodaeth i'r FSA fel Ffurflenni Ariannol Blynnyddol. Hefyd, mae ganddyn nhw ofynion rheoliadol fel cadw cronfeydd wrth gefn.

Benthyciad wedi'i warantu

Benthyciad sydd wedi'i warantu gan ryw fath o eiddo gwirioneddol neu bersonol (gwarant gyfochrog) y gellir ei werthu er mwyn ad-dalu'r benthyciad pe byddai'r aelod yn methu â thalu'n ôl. Ymysg y mathau o warantau sy'n bodoli mae ceir, gemwaith, cartrefi a pholisïau yswiriant. Mewn Undebau Credyd gellir talu benthyciadau wedi'u gwarantu yn ôl dros gyfnod o bum mlynedd.

Cyfranddaliadau

Pan fydd aelodau'n talu cynilion i mewn i'r Undeb Credyd, maen nhw'n prynu cyfranddaliadau, sydd werth £1.00 yr un. Bydd pob un o aelodau'r Undeb Credyd yn cael eu trin yn gyfartal, waeth pa mor fawr yw eu cyfranddaliad. Mae hyn yn wahanol i gyfranddaliadau a gaiff eu prynu a'u gwerthu ar y farchnad stoc, sy'n gallu cael eu trosglwyddo i bobl eraill ac yn gallu newid o ran gwerth. Gallai eu gwerth godi ond mae yna risg y gallai ostwng hefyd. Mewn sefydliadau cyfranddalwyr, po fwyaf o gyfranddaliadau sydd gennych, po fwyaf yw eich dylanwad o fewn y sefydliad.

Staff

Caiff y rhain eu cyflogi i weithredu gwaith dyddiol yr Undeb Credyd. Bwrdd y Cyfarwyddwyr sy'n rhoi cyfarwyddyd i staff ac yn eu penodi.

Trysorydd

Y Trysorydd fydd yn darparu adroddiadau ariannol i Fwrdd y Cyfarwyddwyr, gan roi'r holl gofnodion ariannol i'r pwyllgor goruchwylio eu harchwilio.

Benthyciad heb ei warantu

Dyma'r math o fenthyciad y bydd Undeb Credyd yn ei gynnig fel arfer. Dylai fod yn seiliedig ar feini prawf benthyc gofalus, gan gynnwys asesiad o faint all y benthyciwr fforddio ei dalu'n ôl. Mae'n rhaid iddo gael ei dalu'n ôl mewn 3 blynedd.

Geirfa

Gwirfoddolwyr

Pobl sy'n gweithio i'r Undeb Credyd ar sail ddi-dâl. Fel arfer, byddan nhw'n gweithio fel casglwyr, derbynyddion arian, codwyr arian a staff cymorth gweinyddol. Mae'r Cyfarwyddwyr Gwirfoddol yn ddi-dâl hefyd.

Uned Rhoi Benthyc Arian yn Anghyfreithlon Cymru

Mae'r uned hon yn chwilio am fenthycwyr arian didrwydded sy'n codi cyfraddau llog uchel iawn ac efallai'n bygwth trais neu'n cymryd asedau eraill pan fydd pobl yn cael trafferth talu eu benthyciadau'n ôl. Bydd yn cymryd camau i wneud yn siŵr bod y rhai sy'n torri'r gyfraith drwy roi benthyc yn y modd hwn yn cael eu herlyn.

Mae rhai o'r termau yn yr eirfa hon yn gyfieithiad o addasiad o eirfa ABCUL (Cymdeithas Undebau Credyd Prydain) sydd â chasgliad cynhwysfawr o dermau ar ei gwefan: www.abcul.org